


## ACORDO ENTRE A COMUNIDADE AUTÓNOMA DE GALICIA E O SECTOR PRODUTOR E COMPROMISOS DA ADMINISTRACIÓN E DOS OPERADORES DA CADEA DE VALOR EN GALICIA

En Santiago de Compostela, a 7 de decembro de 2012,



Reunidos en Santiago de Compostela *na última semana de novembro de 2012* os representantes das organizacións de produtores agrarios, das industrias de transformación, das cadeas de distribución comercial e da Consellería do Medio Rural e do Mar


### Consideran:



Que os produtores galegos de leite están a sufrir unha situación crítica derivada do encarecemento dos insumos e do baixo prezo que perciben polo leite que, como consecuencia do mal funcionamento da cadea de valor, non é quen de remunerar os custos de produción.



Que na situación de mercado actual se evidencia a indefensión do sector produtor fronte á industria de transformación e a distribución comercial.



Que a prolongada duración desta situación abocou aos produtores a promover como medida de presión unha folga de entregas que atenta contra os seus propios intereses.

**Manifestan:**

Unha vontade común de avanzar en mecanismos que permitan unha distribución máis equilibrada do valor económico xerado na cadea de valor láctea, en aras a permitir o desenvolvemento dun sector produtivo estratéxico para a economía galega.

**Acordan:**

1. A industria comprométese a impulsar as medidas que permitan valorizar axeitadamente o leite recollido aos produtores de xeito que se poida acadar un prezo que cubra os custos de produción.
2. A distribución alimentaria de Galicia anuncia a súa intención de reformular a política comercial en relación co leite para evitar a banalización do produto.
3. Os representantes do sector produtor comprométese a fortalecer a negociación utilizando as capacidades que lles ofrece o "paquete lácteo", para o que contará co apoio da Xunta de Galicia.
4. A Xunta de Galicia comprométese a:
  - a) Que a primeira reunión do Presidente da Xunta de Galicia co sector produtivo, a celebrar nos primeiros 15 días trala súa toma de posesión, se celebre cos representantes do sector lácteo.
  - b) A xestionar co Ministerio de Agricultura, Alimentación e Medio Ambiente de xeito inmediato e, en todo caso, trala toma de posesión do Goberno, unha reformulación do acordo de colaboración co sector lácteo coa vocación de estender os compromisos acadados en Galicia ao resto do territorio nacional.

*Handwritten signature*

*Handwritten signature*

*Handwritten signature*

*Handwritten signature*



- c) A intensificar a súa capacidade inspectora para evidenciar a situación de dependencia económica do sector produtor con respecto á industria de transformación.
- d) A establecer na lexislatura que se inicia, medidas eficaces e áxiles que permitan unha mellora da estrutura territorial, particularmente nas comarcas onde a produción láctea é o motor principal da súa economía, para permitir a dispoñibilidade real de superficies destinadas á produción de alimentos para o gando, diminuíndo deste xeito os seus custes de produción e mellorando a súa competitividade.
- e) A dar apoio institucional coas entidades financeiras e estudar as fórmulas axeitadas para xerar liñas de bonificación de intereses para pequenos préstamos de circulante aos produtores, que palién a situación actual.
- f) A coliderar, e axilizar o Proxecto de Lei de medidas para mellorar o funcionamento da cadea alimentaria que está a elaborar o Ministerio de Agricultura, Alimentación e Medio Ambiente, de xeito que garanta que todas as partes da cadea obteñan un beneficio que cubra os seus custes de produción, para o cual é preciso crear un observatorio público que estudie e difunda estes custes en toda a cadea de valor, evitando en particular a descapitalización dos sectores produtivos pola percepción de prezos anormalmente baixos.


Isabel Díaz

Antón

Xosé Rodríguez

[Handwritten signature]

**O Presidente da INLAC**




José Luis Antuña Álvarez

**O Secretario Xeral de  
Xóvenes Agricultores**



Francisco Bello Bello

**O Secretario Xeral de  
Unións Agrarias**



Roberto García González

**A Secretaria Xeral do  
Sindicato Labrego Galego**



Isabel Vilalba Seivane

**A Conselleira do Medio Rural e do Mar**



Rosa Quintana Carballo